

Bases legais do concurso de vídeos: Torre de Hércules, 8º aniversario no Patrimonio Mundial

1. ENTIDADE ORGANIZADORA E OBXECTIVO

O Consorcio de Turismo e Congresos da Coruña (en diante, o Consorcio), organiza unha acción denominada *Torre de Hércules, 8º aniversario no Patrimonio Mundial*, que se desenvolverá de conformidade co establecido nas presentes bases.

2. PERÍODO PROMOCIONAL E ÁMBITO DE APLICACIÓN

A campaña desenvolverase durante o período comprendido entre o **1 de xuño de 2017 e o 22 de xuño de 2017**, ámbolos dous inclusive.

O Consorcio resérvase o dereito de ampliar e modificar as datas da promoción se considera oportuno, comunicando aos participantes os ditos cambios.

A promoción está dirixida a persoas maiores de 18 anos residentes en España.

O Consorcio resérvase o dereito de eliminar a calquera participante que defraude, altere ou inutilice o bo funcionamento e o transcurso normal e regulamentario da presente promoción ou a aquel do que se evidencie ou se sospeite unha actuación irregular no sentido descrito.

3. MECÁNICA, MODO DE PARTICIPACIÓN E SELECCIÓN DE GAÑADORES

Durante o **período promocional**, a persoa que desexe participar deberá:

Remitir por correo electrónico a torreherculesonline@gmail.com o seu vídeo con imaxes de outrora da Torre de Hércules, de duración máxima 1 minuto e de formato compatible para subir a YouTube. Enténdese por **imaxes de outrora**, aqueles obtidas ata o ano 1987, este inclusive. No correo electrónico enviarase obrigatoriamente:

- **Autor, título do vídeo e unha breve descrición** na que se indicará o **ano** do vídeo ou imaxes que o integran (para subir á Canle de YouTube).

Así como un documento achegado ao email (que se poderá descargar desde a web) asinado e cuberto cos seguintes datos:

- Datos persoais do participante (nome e apelidos, idade, DNI, enderezo e teléfono).
- Aceptación expresa destas bases legais.
- Cesión expresa dos dereitos de imaxe do vídeo.
- Declaración de que todos os participantes no vídeo son maiores de idade e ceden os seus dereitos de imaxe do devandito vídeo.
- Declaración de que a música que aparece no vídeo (se a houber) está libre de dereitos, non ten dereitos de autor (copyright).

O Consorcio irá subindo á lista de reprodución *Torre de Hércules, 8º aniversario en el Patrimonio Mundial*, da canle de YouTube da Torre de Hércules, os vídeos recibidos, por orde de chegada e sempre que estes cumpran cos requirimentos especificados nestas bases legais.

4. SELECCIÓN DO GAÑADOR

A selección dos gañadores realizarase o día **23 de xuño de 2017 ás 10:00 horas** serán aqueles cuxos vídeos contén cun maior número de **Gústame** nese momento na Canle de YouTube da Torre de Hércules, sempre que cumpran co resto de requirimentos de participación das bases legais. Os tres vídeos gañadores serán

necesariamente de tres persoas físicas distintas, polo que, se algún dos vídeos con máis **Gústame** resultara ser dunha mesma persoa, seleccionárase o seguinte que no listado máis **Gústame** teña.

5. PREMIO

Os premios en metálico consistirán en:

1º 300€

2º 200€

3º 100€

O gañador ten dereito a renunciar ao premio. O premio será intransferible, polo que a persoa física que teña resultado gañadora será a única beneficiaria do premio.

6. COMUNICACIÓN COS GAÑADORES

A comunicación dos gañadores realizarase de forma pública en Twitter e Facebook da Torre de Hércules e de forma privada por correo electrónico onde se lle solicitarán aos gañadores os datos necesarios para facerlles entrega dos premios.

Nun período máximo dunha semana trala selección dos gañadores o Consorcio poñerá en contacto cos premiados para concretar a entrega dos premios. No caso de non localizar a algún gañador nun prazo de 5 días hábiles, procederase a designar un novo gañador (os seguintes con máis gústame na listaxe feita ao efecto) e así sucesivamente ata localizar aos tres premiados.

7. DATOS PERSOAIS

Os datos que os participantes proporcionen formarán parte dun ficheiro **Promocións e concursos**, titularidade do Consorcio, debidamente inscrito no Rexistro Xeral da AEPD, cuxa finalidade é a de xestionar os datos de persoas que voluntariamente participen nas promocións e concursos organizados polo Consorcio para promover a cidade.

Os participantes poderán exercer os dereitos de acceso, rectificación, cancelación e oposición dirixíndose por escrito ao Rexistro de entrada do Consorcio de Turismo e Congresos da Coruña, R/Sol, Edificio Sol s/n, 15003 A Coruña.

8. DOS VÍDEOS SUBIDOS

Os vídeos participantes serán gravacións caseiras de duración máxima de 60 segundos onde nalgún momento da gravación apareza a Torre de Hércules e sexan imaxes de outrora (obtidas ata 1987 inclusive).

O Consorcio estará lexitimada en todo momento para retirar da participación aos usuarios cuxos vídeos:

- a) Sexan de contido ofensivo, denigrante para persoas, animais, crenzas, usos e bos costumes.
- b) Atenten contra os dereitos á intimidade, honra e propia imaxe de terceiros, ou que conteñan, a modo enunciativo pero non limitativo, connotacións racistas, sexistas, homófobas e/ou discriminatorias, comentarios, imaxes, etc. obscenos, lascivos, difamatorios ou calquera outros que atenten contra a dignidade de terceiros, contra a moral e/ou contra a orde pública, que inciten ou se refiran á violencia, a prácticas perigosas, comportamentos negligentes, imprudentes ou ilegais e que resulten contrarios ao bo gusto, aos bos costumes e todos aqueles traballos que poidan causar rexeitamento social.
- c) Non sexan de contido orixinal.
- d) Sexan ofensivos contra Torre de Hércules ou Turismo da Coruña ou conteñan calquera tipo de publicidade ou reclamo de entidade, marca ou produto.

- e) Inclúan persoas menores de idade na data da promoción.
- f) Se realicen en lugares perigosos.
- g) Non respecten a imaxe da Torre de Hércules como Patrimonio da Humanidade.

9. UTILIZACIÓN DO NOME E IMAXE DOS PARTICIPANTES.

Os participantes prestan o seu consentimento expreso ao Consorcio, no caso de que esta entidade decidise utilizar o nome ou a imaxe en calquera soporte de comunicación incluídas páxinas web e redes sociais, etc. con fins comerciais ou informativas sempre que estas se relacionen coa presente promoción, sen que isto xere dereito a favor dos gañadores e finalistas a recibir contraprestación algunha por elo. Dito consentimento préstanlo de forma gratuíta e por elo, sen limitación territorial nin de soportes e coa vixencia temporal máxima establecida na lei.

10. DEREITOS DE PROPIEDAD INTELECTUAL SOBRE OS VÍDEOS ENVIADOS

Os participantes neste concurso autorizan de forma gratuíta expresamente ao Consorcio coa única contraprestación de ter a oportunidade de acceder ao premio do concurso, á difusión do vídeo enviado, por territorio e por tempo ilimitados, nas redes sociais, web, Internet, televisión, así como en calquera outro soporte de comunicación e medio co obxectivo de promover a Torre de Hércules e Turismo da Coruña. Do mesmo xeito, os autores dos vídeos ceden de forma gratuíta ao Consorcio en exclusiva, e iste adquire, de forma universal e por territorio e tempo ilimitados, libre de regalías, todos os dereitos de explotación do vídeo incluídos os dereitos de reprodución e comunicación pública, de transformación e de distribución, para calquera soporte de comunicación e medio. Para presentar ao concurso un vídeo que conteña a imaxe ou voces doutra persoa, a persoa gravada deberá ter outorgado o seu consentimento expreso e inequívoco para tal finalidade ao autor da gravación (participante) e ademais deberao tamén ter outorgado para que o Consorcio exhiba publicamente, sen dereito a contraprestación algunha, o vídeo que contén o dato persoal da imaxe da persoa gravada, xa sexa na Internet ou en calquera exposición pública. Esta autorización deberá quedar acreditada polo participante na forma indicada no punto 3.

11. FRAUDE

O non cumprimento polos participantes das condicións aquí descritas lexitimará ao Consorcio a tomar as medidas pertinentes destinadas a evitar abusos e fraudes, eximindo ao mesmo da entrega de premios ou regalos aos que non cumpran os requirimentos aquí especificados. **Quedarán excluídos da presente acción promocional aqueles usuarios ou participantes que faciliten datos falsos** ou que utilicen contas de correo electrónico creadas ad hoc ou a mantenta para suplantar a terceiras persoas, o que comporta unha actuación de engano e fraude, non só con respecto ás presentes bases, senón con respecto ao resto de participantes da acción promocional. O Consorcio de Turismo da Coruña resérvase o dereito de dar de baixa a aqueles que estean facendo un mal uso da promoción, realicen actos de fraude ou que prexudiquen a outros participantes. No caso de que o Consorcio ou calquera entidade que estea ligada profesionalmente a esta promoción detecten calquera anomalía ou sospeiten que un participante estea impedindo o normal desenvolvemento da promoción alterando ilegalmente os seus rexistros mediante calquera procedemento técnico ou informático, ou levando a cabo calquera acto de fraude que contraveña a transparencia da promoción, o Consorcio resérvase o dereito de dar de baixa o incluso de retirar o premio de forma automática e sen explicación de ningún tipo, a todos aqueles participantes que se teñan beneficiado de forma directa ou indirecta de este tipo de actuacións, podendo ademais exercer todas as accións civís ou penais que puidesen corresponder. No caso de que o Consorcio detecte calquera anomalía ou sospeite que un participante estea a impedir o normal desenvolvemento na súa participación na presente promoción, alterando ilegalmente o seu rexistro ou a súa participación mediante calquera procedemento técnico ou informático para así falsear a súa participación, poderá de forma unilateral eliminar a inscrición dese participante. Polo tanto, o Consorcio resérvase o dereito de eliminar do rexistro calquera participante que evidencie ou do que se sospeite unha actuación irregular no sentido descrito, sen notificación algunha.

12. RESPONSABILIDADE

O Consorcio non se responsabiliza das posibles perdas, deterioracións, roubos, retrasos ou calquera outra circunstancia imputable a terceiros ou á Internet que poidan afectar ao desenvolvemento do concurso.

En ningún caso o Consorcio será responsable dos servizos que calquera outra entidade coa que esta colabore, preste ao gañador como consecuencia do premio entregado. O Consorcio exímese de toda responsabilidade das incidencias, retrasos ou faltas, que puidesen producirse na entrega ou recepción dos premios, xa que tal responsabilidade corresponde ao provedor do premio.

A obrigaón do Consorcio queda limitada a entregar o premio ofrecido nas condicións sinaladas e cos requirimentos establecidos nas presentes Bases. En consecuencia, o Consorcio non será responsable de ningún dano ou prexuízo de calquera natureza, que puidese sufrir o gañador e/ou un terceiro, con motivo de ou en relación coa obtención e posterior uso do premio.

En todo caso, tratándose da Internet, o Consorcio exclúe calquera responsabilidade polos danos e prexuízos de toda a natureza que, a pesar das medidas de seguridade adoptadas, puidesen deberse a utilización indebida dos servizos e dos contidos por parte dos usuarios e de terceiros alleos ao Consorcio, e, en particular, aínda que non de forma exclusiva, polos danos e prexuízos de toda natureza que poidan deberse á suplantación da personalidade dun terceiro efectuada por un usuario en calquera clase de comunicación realizada a través da Internet.

13. ACEPTACIÓN DAS BASES

Todos os participantes comprométese polo simple feito de participar, á aceptación das condicións expresadas nas presentes bases.

Para ocoñecemento de calquera litixio que puidese exporse en canto á interpretación ou aplicación das presentes bases, tanto o Consorcio como os participantes desta promoción, sométense expresamente á xurisdición e competencia dos Xulgados e Tribunais da Coruña, con renuncia expresa a calquera outro foro que puidese corresponderlles.

O resultado da promoción será comunicado á organización de Loterías e Apostas do Estado.

O Consorcio resérvase o dereito de modificar aspectos non substanciais da promoción se as circunstancias o esixen.

Bases dispoñibles na web www.torredeherculesacoruna.com

14. AVISO

A promoción non está patrocinada, avalada nin administrada por YouTube, nin asociada en modo algún a YouTube, polo que a plataforma está exonerada de toda responsabilidade por parte de cada concursante ou participante.